



UNIVERSITÄTS-
BIBLIOTHEK
PADERBORN

**R. P. Vincentii Brvni, Societatis Iesv, Meditationes, De
Præcipvis Mysteriis Vitæ & Passionis D. N. Iesv Christi**

Cum Veteris Testamenti Figuris, & Prophetijs, varijsque Documentis ex
quoque Euangelio depromptis, Nunc ex Italico in Latinum translata

Meditationes in Passionem Et Resvrrrectionem D. N. Iesv Christi

Bruno, Vincenzo

Coloniae Agr., 1599

VD16 ZV 2606

Meditatio 23. Quomodo Christum Pilatus Herodi transmiserit.

[urn:nbn:de:hbz:466:1-59870](https://nbn-resolving.org/urn:nbn:de:hbz:466:1-59870)

5. *Si quando in ipsis laboribus pro salute animarum susceptis, facta nostra in calumniam vocentur solemur nos: quando & Christus D. N. post tot arumnas pro salute populi sui toleratas, seductor & concitator populi habitus est.*



MEDITATIO VIGESIMATERTIA.

QUOMODO CHRISTVM PL
latus Herodi transmisit.

EVANGELIUM.

Luc. 23.



ILATVS ergo cum audisset Galileam interrogavit si homo Galilæus esset. Et ut cognovit, quod de Herodis potestate esset, remisit eum ad Herodem, qui & ipse Hierosolymis erat illis diebus. Herodes autem viso Iesu gavisus est valde. Erat enim

DE PASSIONE DOM. 191

enim ex multo tempore cupiens videre illum, eò quod audiret multa de illo, & sperabat aliquod signum videre ab eo fieri. Interrogabat autem illum multis sermonibus. At ipse nihil ei respondebat. Stabant autem Principes Sacerdotũ & Scribæ constanter accusantes eum.

PROPHETIÆ.

EGO autem tanquam surdus non au- *Psal. 37.*
diebam, & sicut mutus nõ aperiens os
suum.

Tacui, semper silui, patiens fui. Isaia 42.

CONSIDERATIONES.

CUM improbi Iudæi viderent, non *1. Punctũ.*
posse à Pilato id quod optabant im-
petrari, vt qui Christum Herodi trans-
mitteret, ardentes videlicet ira, & totum
furorem in mansuetissimum Iesum ef-
fundentes, inuadunt illum furibundi;
pluribusq; quàm ante conuitijs & ma-
ledictis incessantes, raptantesq; per me-
diam urbẽ ducunt ad Herodem: vbi per-
tinacissimè eadem illi, quæ apud Pilatũ,
obiectare insistebant. Gausus est rex
impius aspectu Christi, non pietate mo-
tus,

tus, sed inani quadam curiositate: cum enim esset rerum nouarum cupidissimus audissetq; de miris Christi operibus fingebat sibi magum aliquem, cuius opera sperabat ambitiosa & superba desideria sua expleri posse.

Interrogauit Herodes Christum multis sermonibus: at illi prudenter tacendo, inanem curiositatem silentio repressit, neque curauit, quod illuderetur & reprobaretur ab illo, ut nos illius reprobatio liberaret. Non aestimat Dominus ille, nec quærit amicitias magnorum & potentium in mundo, cuius cum humilibus sermocinatio est & conuersatio, neque hominum contemptus curat, qui in cælo honoratur ab Angelis. Utinam ita faciat Maiestas ipsius, ut omnes penitus intelligamus, veram gloriam & honorem non esse in opinione & fauore hominum sitam, sed in sui ipsius rerumq; omnium contemptu. Hanc enim Christus elegit, atque in hac nobis imitationis reliquit exemplum.

Compatere nunc Redemptori tuo, & vide quomodo immutabilis ille & altissimus Deus, cui millia millium Angelorum assistunt & seruiunt: iam pro te instabilis & perpeffioni obnoxius, sceleratorum hominum manibus indignis modis

DE PASSIONE DOM. 193

modis hinc inde circumducitur, nunc ad hunc, nunc ad illum Iudicem, atq; apud omnes nouis criminibus falso infimulatur. Quænam tibi quæso caussa fuit, mi Iesu, vt omnia hæc perferres? quæ vincula tam immotum te inter furentes tam impacati maris fluctus tenuerunt? Non sanè catenæ & funes à Iudæis iniecti, sed dulcis funiculi caritatis. Hæc te cælo detractum ad terram vsque demisit: hæc linguam tibi alligauit, ne defensione impedires tuam Passionem & nostram redemptionem: hæc tibi aures occlusit, ne audires, aut certè commouereris conuictijs, & maledictis in te coniectis: hæc in tã acerba irrisione & contemptu, immobilē te stitit aduersus omnes mundi & Diaboli machinas, qui tuam constantiam infringere laborabat, & sanctissimæ animæ, si posset, aliquam impatientiæ notam inurere.

Disce hinc, anima mea, à Sponso tuo teipsum abnegare, & mori mundo, quod si optas grata esse sponsa, & fidelis eius imitatrix, tam debes tuam ipsius voluntatem & electionem abiecisse, vt patienter feras, si iubearis nunc progredi, nunc regredi; ascendere, dimittere te; ingredi, egredi; semperque obedias in omnibus, quanquam ea tibi aut potius
sen-

sensualitati tuæ contraria & repugnantiã, videantur. Sic enim & Christus Dominus tuus, sponte se ad omnes cruciatus obtulit, & lubens passus est trahi se ab hoc ad illũ iudicem, ab vno ad aliud supplicium, idque tuæ salutis causa.

COLLOQVIVM.

ROGA Christum D. N. vt quemadmodum ipse interrogatus curiosè, & iussus mira quædam facere maluit humiliter tacere, quàm se defendens, & superbi Regis desiderio satisfaciens ab eo collaudari & absolui; sic tibi gratiam det, vt in omnibus dictis factisque; ad ipsius exemplũ, omnẽ laudis & inanis gloriæ captationem refugias: solũ tibi gaudio ac desiderio sit cũ ipso contemni & condẽnari, vt dignus habearis veris laudibus & honoribus ijs, quibus suos olim Deus coram Angelis afficiet in cælo.

DOCUMENTA.

1. **N**IHIL profuit Herodi, cupidum iam diu fuisse videndi Christum, quia cupiditas illa non oriebatur ex desiderio emendanda vitæ, sed ex curiositate, vt signum aliquod videret fieri. Sic nobis parum proderit præclara concipere desideria, nisi in defectibus emendandis ipsi operi strenuè manum admoueamus.

2. Si

2. Si Christus Herodi respondisset, rex illum scilicet laudasset, non ipse se emendasset. Exemplo fuit ergo nobis Dominus, ut inanem gloriam caueamus: nempe de rebus ex quibus neq; gloria Dei, neque proximorum utilitas, sed nostra solum laus existat, planè taceamus, & malimus cum Christo à superbis hominibus contemni, quàm inaniter pradicari.

3. Noluit Herodi curiosè quarenti respondere Christus, ut doceret nos in concionibus ac sermone non hoc sequi, ut curiosorum auditorũ intelligentiam pascamus; illud potius, ut pijs illos ad morum emendationem cõmoueamus affectibus.

4. Mors potius præoptanda est, quàm ingratiã cuiusquam mortalis vllum peccatum admittendum, ut Christus maluit ab Herode damnari, quàm curiosè ipsius cupiditati obsequi.

5. Diuina mysteria curiosè scrutari non debemus; neq; ut Herodes, cum arido corde exiguum habemus pietatis sensum, multa cum Deo verba facere: neq; enim vlla responsione ab illo dignabimur.

6. Gratia & dona diuinitus communicata, nõ cuius aperienda sunt; sed ijs solum à quibus fructus aliquis expectari potest.